

# BŌKE MELELE KO REJIMWE.

EWŌR KIIŌ  
ÑAN RŪTTO,  
AJRI KAB  
NIÑNIÑ

KEJBAROK AJIRI EO NEJUM.



KEJBAROK JUKJUKINBED EO AM.

## Enaj labtata an ajiri im jodikdik ro bed ilo kejbarok ilo ien ededelok wā in COVID-19 ko aer.

Wā eo ej kejbarok aoleb, ekoba ajiri im jodikdik, jen aer bōke COVID-19. Wā eo ej bar bōbrae an ajiri im jodikdik jen aer bōk nañinmij eo ekauwōtata elañe renaj nañinmij.

Ewōr oktak ko an COVID-19 rekaal im ebidodo lok aer ajeeded im remaron kōmman kakōlkōl ko elablok aer kauwōtata. Wā ko rej kejbarok jen jet oktak in nañinmij eo.

## An ajiri im jodikdik wā ej kejbarok aoleben jukjukinbed eo.

Armij ro ededelok aer bōke wā in COVID-19 ko aer ediklok aer maron kaajeeded kij eo an ro jet. Ilo ien an armij ro maron tōbrak in bōke wā eo ej kejbarok:

- Armij ro mōttaer im nukkie rejañin bōke wā eo.
- Lillab im lollab im armij ro jet jejjetin nañinmij ko im elablok uwōta ñan aer bōk nañinmij kauwōtata jen COVID-19.

Ilo an lablok ajiri im rūtto renaj bōke wā eo, enaj bar bidodo lok an bellokok jikuul im bijnej ko.



## REJ LETOK KEJBAROK IM EJEJJET AER JERBAL

- Ejellok bar wā emōj an lab an teej ñe ej letok kejbarok ilo bwebwenato in Amedka.
- Emōj kamool ke wā eo ej letok kejbarok ñan taujin armij, ekoba oktak in an armij riia, aelon ko aer, im joñan iiō ko.
- Wā ko an COVID-19 rejab kakkure an enbwinin jodikdik ro rūttolok ak an juon jab maron wōr nejin ilo jeklaj. Wā ko reban kōmman an ajiri eo nejum waroñe ilo jeklaj.

## EJELLOK WONNEN ÑAN AOLEB

- Kwe im ajiri eo nejum emaorn bōke wā eo ejellok wonnen jekdoon **jekjekin peba in immigration.**
- Kwe ak ajiri eo nejum ejab aikuj **kwalok juon ID** ak wōr ami **injurán in taktō** ñan am bōke wā eo ejellok wonnen.

# Ta eo kwōn kāt māne

Ilo ien ededelok an ajiri eo nejum bōke aoleben wā in COVID-19 ko an, enaj lablok kejbarok ilo aer bed ilo jikuul, ikkure keem ko, im bed ibben ro mōttaer im nukkier. Am kadedelok wā kein kin wā ko ruo, innem bōke jabdewōt wā in kakajur ko kwōmaron bōki.



## Ilo ien am wā:

- Mōkta jen an nōj ak taktō eo waiki ajiri eo nejum, renaj ba ñan kwe kin wā eo, etale nañinmij ko mōktalok an ajiri eo nejum im kajitok ibbam ne ewōr jabdewōt am kajitok.
- Kwōnaj aiku j bed 15-30 minit alikin am wā ñan lolorjak ejellok abnōnō ibbam.



## Ekkā an walok abnōnō ko redik joñaer.

Abnōnō ko REJAB melelein ewōr COVID-19 ibben ajiri eo nejum.

Abnōnō ko rej melelein wā eo ej katakini enbwinnin ajiri eo nejum jelā wāween an manne COVID-19.

Abnōnō ko emaron koba:

- Metak ak ebboj ilo beim ilo jikin eo rar waiki
- Mōk
- Metak bar
- Metak majel
- Biō
- Piba
- Mōlañloñ



## Abnōnō ko rekauwōtata elukkun lab aer jejā.

**Wā ko rej letok kejbarok. Elablok am maron bok aban ko rekauwōtata jen COVID-19 im ejab jen wā eo.**

Edik joñan jodikdik ro redik emōj an walok abnōnō ko ibbeir einwot ebboj menono (etannin myocarditis ak pericaarditis) ak mekak ilo bōtōktōk.

- Abnōnō ko rekauwōtata elukkun **lab aer jejā**.
- Abnōnō ko rekauwōtata **remaron kōmadmōdi** im elōñ armij ro rar walok abnōnō ibbeir ekkar emmonlok aer mour
- Jibañ eo jen wā eo elablok joñan jen jabdewōt uwōta

## KAJITOK IBBEN TAKTŌ EO AM ÑAN MELELE KO RELABLOK

Kenono ibben taktō ak nōj eo an ajiri eo nejum ñan am bōk melele ko relablok kin wā ko an COVID-19 im wā ko jet ajiri eo nejum emaron aikuji.